

գրագրացն՝ զոր ինչ և գրէին, որոյ տետրունքն գոն ի Ս. Սթոուս, յորոց և նարդեանս գրագիրքն առնուն զօրինակս գրելեաց իւրեանց: Կաթուղիկոսք ժամանակին զՍա ունէին խորհրդակից և վճռատու: Եւ էր տեղեակ արքունական և դատաւորական սարչտայից¹⁾: Եւ նա գրէր և հոգար զգրոց արքունականաց և դատաւորականաց, և պահէր ի պատրաստի: Ունի և զանհամար բարերարութիւնս ի ս. Աթուռնջն և զգրեանս հոգացեալս, զորս յետոյ գրեսցուք: Դինեաց և ի իւրեան ի Զորագեղջ Անապատուն զտունս Հայրապետանիստս, և պատեաց բարձրաբերձ պարսպօք և բրգօք՝ որպէս այժմ նստեն Հայրապետք ի գնալն իւրեանց յերեւան: Այսու բարւոք կառավարմամբ ի Տէր փոխի ի ՌՄԺԲ. Թուռնջն և գնի ի յաջակողմն գաւթի սրբոյն Դայեանեայ: Որոյ յիշատակն օրհնութեամբ եղիցի»:

Նոյն Սիմէօն կաթուղիկոսն զլ. 21 յերես 232 այսպէս զրէ

«Զկնի այս Հասան. Ալի Խանիս, նստի երեւան խան սորին եղբայր Հիւսէյին-Ալին և տիրէ որպէս թէ ինքնագլուխ, որ իշխէ եւս ի ներկայումս, ի ժամանակս մեր: Ի ժամանակս ոորա նրստի կաթուղիկոս Սթուս Ծամախեցի Յակոբ կաթուղիկոսն (զոր ի բազում տեղիս յիշեալ եմք) ի ՌՄԸ. Թուռնջն մերում, և ի տաճկաց ՌՃՀԳ. Թուռնջն: Արդ այս Յակոբ Կաթուղիկոս գոլով այր հանճարեղ, խելօք և տեղեակ ամենայնից այսպիսեաց իրակութեանց, մինչ տեսանէ ի ժամանակս իւր ոչ գոյ հանրապէս իշխող Թագաւոր, և առաջնոց Թագաւորաց ռազամիցն եւս ոչ այնքան անսային, վասն որոյ զամենայն ռազաման հնոց Թագաւորաց (որք տրեցեալք են սրբոյ Աթուռնոյս ըստ խնդրոց յառաջնոց Հայրապետացն իւրաքանչիւրքն վասն յատուկ յատուկ խնդրոց), ի մի բերեալ և ժողովեալ զնիւթս և զգիտմունս նոցին, և զաւելի խընդիրս եւս ինքն մոլծանէ ի նոսա. և գրեցուցեալ ի վերայ Թղթոյ միոյ արգալապէս մատուցանէ յիշեալ Հիւսէյին Ալի Խանին ասելով թէ՝ որովհետեւ մեր իշխօղն այսօր գու ես, ի գլուխ Թղթոյս հրաման և ռազամ գրեա, զի քոյդ հրամանաւ կատարեսցին այ-

¹⁾ Հարցմունք, օրէնք: